

PANALANGIN AT NOBENA SA KARANGALAN NI

San Rafael Arkanghel

Pintakasi at Patron ng 11 STEM



*Tema: Si San Rafael Arkanghel, kaisa sa Paglalakbay ng
may Pagasa*

SETYEMBRE 20 – 28, Kapistahan: SETYEMBRE 29

PANALANGIN SA MAHAL NA PATRON SAN RAFAEL ARKANGHEL

☩ Dakilang Prinsipe sa kalangitan, kalinis-linisang Arkanghel San Rafael, kami ay nagpupuri sa Panginoong Diyos na lumalang sa iyo; naliligayahan ang aming kaluluwa sapagkat ikaw ay espiritu sa langit, isa sa pitong lalong malapit sa kamahalan ng Diyos. Ikaw ang saklolo ng mga naglalakad, aliw ng mga maawain, makapangyarihan sa mga inaalihan ng demonyo. Ikaw ang katibayan ng mga may malilinis na loob bunying sugo ng Diyos, sakdalan ng mga mag-asawa, pintakasi ng di nagkaka-anak, at lunas ng mga may-sakit sa mata. Kami ay nagpapasalamat sa Diyos na nagkaloob sa iyo ng malaking kapangyarihan at maligayang inihahain namin sa iyo ang munting alay ng pamimintuho na ito. Yayamang sa mahal na mga kamay mo ay marami ang gumiginhawa, kami ay humihingi sa iyo ng isang biyaya, at bagama't di kami karapat-dapat pagkalooban mo ng tulong, ay umaasa pa rin kami na igagawad mo ang hinihingi namin. Nagsusumamo kami sa iyo alang-alang sa mahal na Pasyon, pagkamatay at muling pagkabuhay ng ating Panginoon, pakundangan rin naman sa mga pagdalangin ng kabanal-banalang Ina niyang Birheng Maria, gayon din sa tulong ng mga anghel at Banal sa langit, at ng mga mapapalad noong una, hanggang ngayon, at hanggang sa katapusan ng panahon. Sa pamimintakasi sa iyo, na makakamit namin ang hinihingi naming biyaya sa pagdulog na ito, kung yaon ay nauukol sa kaluwalhatian ng Diyos at sa ikabubuti ng aming kaluluwa. Purihin nawa ang Diyos at pasalamatan magpakailanman. **AMEN.**